

重修盧氏縣誌卷之十

樓峯郭光澍霖三氏編次

列女

夫坤德曰貞女之生也秉乎坤德故端凝靜一從一而終世之淑媛懿嫻克修婦道若少君者洵足稱矣不幸而禍分早歲或變出臨時其慷慨激烈捐軀自明有鬚眉所莫逮者是則難也即彼青年矢志皓首完名其間之雨慘風淒祇堪獨喻甚有隣棗引嫌孤苦自厲而天只不諒委曲圖全雖沉毅明哲之士何以加焉故皇皇

巨興旌之以坊祀之於祠秉筆者尤必博採而豔稱之
所以慰其幽貞抑且樹之芳聲也誌列女

明

杜氏夫病故自刎斷喉血流七日不死知縣黎道美
親往視之許死後祭以礼讚以文遂瞑自後具實奏
聞贈正女烈義並旌其門

耿氏故宦靳學古妻耿啟梧女姑劉氏染病垂亡醫
診云脈將絕惟生人之血可以少助氏籲天瀝血和
藥以進姑病旋瘳縣令旌以扁曰懿行可風

亢氏進士韓上妻夫死堅貞苦守顧子存生巡按梁
扁其門曰矢志和熊

李氏南蘓村民常浩德妻年十七歲夫亡姑孀居在
堂氏守節代夫奉養生事死葬克盡其誠苦節五十
餘年而終

魏氏城東里民燕思解妻流寇初至奉姑黃氏避難
南山賊刃其姑氏奮力奔救亦中一刀賊問曰汝救
者何人曰吾姑也賊義釋之

郭氏生員杜曰昇妻崇禎六年流寇入境逃橫澗川

聞寇至投崖身死縣令劉爾賓扁其門曰冰清玉潔
李氏張耀祖妻李雲龍女携幼子六兒避寇被掠罵
賊不屈母子俱死

劉氏卹贈光祿寺寺丞正義殉難靳謙吉妻故宦劉
蔚女夫既沒子幼且孤氏殯葬翁姑撫育幼子慮宗
支單弱有族姪靳直幼失父母爲寇所擄遣役徧覓
各省周歷八載始值於襄陽左營取之歸授室置產
訓迪入庠

李氏收養孤子兩歲其父人進山中被土賊擄去爲

等截刼氏叱賊以刀自刎不獲復縊死石龕尼舍後
巡道戴公至縣擒賊馘斬漏渠魁一人後亦被誅

趙氏二女沙窩村人年甫及笄爲賊寇所逼姊妹二
人連袂投崖身死乃崇禎癸酉冬事也奔竄倉皇不
暇詢父母各焉

國朝

王氏生員杜灝妻夫故氏尚少遺子在抱苦志堅守
子方成立而死復守其孫苦節以終

李氏卽王氏之媳杜啟社妻年少夫亡同姑王氏共

守遺孤以節終

尉氏增生白貴妻夫亡年甫二十念白氏三世單傳苦守三歲遺孤撫育成立士民公舉給匾

吳氏故宦靳台彥妻夫卒於官子女俱無伶仃孤守三十餘年而終

雷氏廩生杜興祚妻貢生雷順女年少夫亡子女俱無撫姪爲嗣勵志守節孝事翁姑縣令張國卿給匾曰雷莫與京後以嗣子謙貴追贈太孺人

徐氏杠子峪里民延聖緒妻二十二歲夫亡苦節四

十餘年而終

李氏文峪村生員范蘭妻夫被虎傷撫育遺孤苦節而終

梁氏高村里民杜詣仁妻二十一歲夫亡守節育孤三十餘年諸苦備嘗三子成立

靳氏船子峪民郭印隆妻夫亡守子晝則把鋤夜則績紡歷盡飢寒三子成立壽八十餘歲而終

王氏邑貢生王桢妻性至孝割股肉以療姑目疾姑目重明大守孫縣令謝廷爵學博宋學各給匾里人

共立石誌其事

王氏恢衎衎民甯文妻生員王賓仲女二十于歸姑
亡家貧事翁以孝聞夫逝氏年三十茹荼飲水紡績
不輟延師課子名列膠庠學博給匾曰壺中母儀享
壽七十而卒通邑呈請旌表節孝

劉氏庠生燕嘉賓子及許妻太平尉劉紹漢孫女性
貞烈知詩礼事翁姑以孝聞年二十三夫亡遺腹生
女誓志守節女甫三歲而殤翁姑憐其無出欲奪其
志有媒氏議婚氏知之呼天號泣夜自縊死

賈氏忠君里民劉明漢妻二十八歲夫死遺一子零
丁苦守子死氏取叔庠生劉大定之孫慄爲嗣撫字
成立壽八十四歲而終縣令蓋圖旌其門曰松筠矢
志

韓氏邑庠生常震之妻萬歷癸丑進士韓上之孫女

也賦性清淑頗識文字治家嚴肅虽甑臼細務俱有
條理布衣糲食常念物力維艱諳諳訓誡相夫子拯
急救苦全沾甚衆以繼先人之志課督子弟時值烽
烟流離而誦讀之聲不輟子伯讓仲讓等六人成名

者五人孫廷璟廷珪等二十一人曾孫基湛等二十
七人及見元孫懷仁家驛二人高壽九十有九邑令
旌其門曰德壽並茂

李氏高村吏員蔡國英妻二十三歲夫亡姑老子幼
家徒四壁夫病革時囑以後事氏斷指明志夜則鍼
績晝則耕作孝事衰姑寢食必省尤嚴以教子燎薪
代膏子芬有名庠序守節三十二年而卒乾隆七年

旌建坊里門

杜氏南蘓村儒童正縉妻故宦杜鶴齡之孫女也十

七歲歸緇五載夫亡無子取姪爲嗣孝事翁姑艰苦
難狀郡守張徵取賢良節孝纂入府誌乾隆七年

旌建坊里門

趙氏岡頭嶺王化祚妻年二十九歲夫亡事姑撫子
歷盡艰难守節三十九歲乾隆七年旌建坊里門

李氏南蘓村民常鍾妻夫亡氏年二十二歲翁姑在
堂子女俱無取姪承祧仰事俯育諸苦備嘗乾隆七
年旌建坊里門

權氏高村里民王宏緒妻年二十五歲夫故絕粒人

以姑老子幼慰止乃忍死守節奉姑極盡誠敬姑病
目至盲有告氏者日以舌舐之可愈氏舐之三年姑
目竟瘳人謂孝感所致教子力農務本苦節四十餘
年而卒乾隆七年旌建坊里門

常氏衙前貢生李深長子秉敬妻年二十五歲夫亡
取姪爲嗣孝事翁姑飲饌必親供不假婢妯手翁姑
壽俱登九十天和賴其頤養歿尤殯塋如礼守節四
十五年而卒乾隆七年旌建坊里門

張氏恢衡衙民甯九敘妻庠生張我誼女年二十八

而寡事姑撫子苦節三十餘年乾隆七年旌建坊

里門

杜氏火災城儒童孫惠妻庠生極元起女十九歲夫
亡遺子克經甫九月矢志守節孝事翁姑生養死葬
延師課子氏勞瘁嬰疾數年不痊子克經甫入庠氏
聞報怡然曰吾將報死者於地下矣遂瞑目而亡年
四十一守節二十四年乾隆七年旌建坊里門

李氏酉營村庠生王澤溥妻庠生李浣女夫亡氏年
二十四歲姑老子幼仰事俯育極盡經營夫亡時幼

弟澤洽年五歲氏養育成人爲之授室好早亡勉媳
守節共撫孤孫遭際多艱蘭厯辛苦郡守張採入府
誌乾隆十年 旌建坊里門

劉氏黑馬渠民張其琰妻年少夫亡守節育子四十
餘年乾隆七年 旌建坊里門

郭氏南蘓村庠生常士俊妻庠生郭均女二十八歲
夫亡孝事翁姑義方訓子周恤族党治家有法子自
得邑庠生自任貢監生孫卜年拔貢生卜世歲貢生
門福慶人以爲婦德之貽焉乾隆七年 旌建坊

里門

任氏李允秀妻二十三歲夫死家貧氏賣裝奩殯塋
如礼斷髮毀容誓守遺孤及芸能應童試至雍正十
一年嬰疾陡歿氏大慟曰吾忍苦不死者爲李氏一
塊肉在今復何望一痛遂絕子母同日而歿見者莫
不泣下守節三十年乾隆七年旌建坊里門

王氏羅昇亮妻年二十三歲夫死冰心矢節孝事翁
姑撫養孤子以毛成立歷四十一年而卒乾隆七年

旌建坊里門

王 氏常廷琨妻邑庠生王三錫之女二十八歲夫死
子女俱無氏痛夫絕祀取姪承祧艱貞自守事翁姑
孝養備至撫嗣子俾得成立守節二十五年乾隆七
年 旌建坊里門

劉 氏王圖遠妻邑庠生劉匡漢之女年二十五歲夫
死遺子維已甫三歲氏矢志苦守織紡奉親十指敝
裂教誨維已名列膠庠守節二十一年卒乾隆七年
旌建坊里門

氏蘓仁妻年二十六歲夫死遺子起鳳甫六月氏

青年矢志孝事翁姑撫養孤兒守節五十年終乾隆

九年 旌建坊里門

王 氏常文淳妻年十九歲夫死遺子統甫一歲氏襁
褓提攜以至成立不絕先祀家貧織紡奉親甘旨不
缺生養死葬人咸稱孝守節二十七年乾隆九年

旌建坊里門

權 氏竹園村庠生賈名時妻夫卒年二十四歲斷髮
誓守孝事孀姑力供日旨姑病焚香籲代取姪承祧
愛倍已出苦節四十餘年乾隆十年 旌建坊里門